



Број/Број:03/1-50-1-7-42 /09
Сарајево/Sarajevo: 31.8.2009.godine

Članovima Zajedničke komisije za odbranu i sigurnost BiH:

Šefiku Džaferoviću, Vinku Zoriću, Dragi Kalabiću, Mirku Okoliću, Jozi Križanoviću, Sulejmanu Tihiću, Hazimu Rančiću, Branku Zrni, Ivi Miri Joviću, Dušanki Majkić, Slobodanu Šarabi i Ademu Huskiću

PREDMET: Informacija o posjeti članova Zajedničke komisije za odbranu i sigurnost BiH Centru za uklanjanje mina u BiH
Veza: akt broj: 03/1-50-3-719/09 od 24.6.2009.

Članovi Zajedničke komisije za odbranu i sigurnost BiH posjetili su, 7.7. 2009., Centar za uklanjanje mina u BiH (BHMAC).

U ime Zajedničke komisije za odbranu i sigurnost BiH, sastanku u Glavnom uredu BHMAC-a prisustvovali su: Branko Zrno, predsjedavajući, Šefik Džaferović, zamjenik predsjedavajućeg, Jozo Križanović, Ivo Miro Jović, Mirko Okolić, članovi ZK, Dragica Hinić, sekretar, Željko Grubešić, stručni savjetnik, i Jovica Katić, stručni saradnik.

Ovom sastanku prisustvovali su i Dragiša Mekić i Mustafa Alikadić, članovi Komisije za deminiranje.

Terenskoj posjeti na lokaciji Mačak, u općini Vareš, nisu prisustvovali Branko Zrno i Mirko Okolić zbog ranije preuzetih obaveza.

Dušan Gavran, u uvodnoj prezentaciji, dao je pregled strukture i aktivnosti, te govorio o Strategiji BHMAC-a.

Posebno je prezentirao:

- situaciju u vezi s miniranim područjima u 2009. godini
- statistiku žrtava od mina od 1996. do 2009.
- bh. program protuminskih djelovanja
- rezultate deminiranja u periodu od 1996. do 2009.
- rezultate čišćenja i tehničkog izviđanja od 1996. do 2009.
- kapacitete za čišćenje i tehničko izviđanje
- finansiranje (domaća i strana sredstva)
- aktivnosti Centra za uklanjanje mina u BiH
- Strategiju protuminskog djelovanja u BiH od 2009. do 2019.
- planove i strukturu finansiranja plana po vrsti izvora
- Akcioni plan i program za provođenje strategije protuminskog djelovanja BiH od 2009. do 2019.
- projekte koji se realiziraju tokom 2009. godine.

Nakon izlaganja direktora Gavrana, u ime članova ZK, rukovodstvu BHMACH-a obratili su se Branko Zrno i Šefik Džaferović, a potom su u raspravi učestvovali i prisutni članovi ZK i članovi Komisije za deminiranje. U raspravi su dotaknuta pitanja u vezi s aktuelnom situacijom i projektima koji se realiziraju tokom 2009. godine.

Nakon sastanka u Glavnom uredu BHMACH-a, predstavnici ZK posjetili su lokaciju ID 12644 MAČAK, općina Vareš, na kojoj program deminiranja realiziraju pripadnici Oružanih snaga BiH.

General-major Anto Jeleč, komandant Operativne komande OSBiH, brigadir Esad Šejtanić, komandant Brigade za podršku OSBiH, i pripadnici Bataljona za deminiranje OSBiH bili su domaćini članovima ZK na pomenutoj lokaciji.

Nakon uvodnih obraćanja brigadir Šejtanić prezentirao je program deminiranja i aktivnosti Brigade za podršku i Bataljona za deminiranje OSBiH. Tokom prezentacije je, osim konkretnih pokazatelja, naglasio i probleme s kojima se suočava Bataljon za deminiranje.

Evidentno je da je starosna struktura pripadnika Bataljona za deminiranje nepovoljna, te da bi tokom 2010. godine, kada ističe ugovor za preko 60% vojnika deminera, to mogao biti problem. Naime, radi se o visoko zahtjevnoj obuci i iskustvu koje je u toj oblasti jako bitno. Istakao je i probleme u nabavci opreme za deminiranje, probleme s tenderima, kao i druge okolnosti koje utiču na rad Bataljona za deminiranje.

Na pomenutoj lokaciji članovi ZK bili su u prilici upoznati se s praktičnim radom deminera. U razgovoru s deminerima uočeno je da se obavezama prilazi vrlo ozbiljno, ali i da su izrazili zabrinutost za status u OSBiH, s obzirom da postojeći zakoni jasno definiraju starosnu strukturu vojnika preko 35 godina.

Zaključci:

1. Posjeta Centru za uklanjanje mina u BiH bila je dobro organizirana i omogućila je saagledavanje aktuelnog stanja u oblasti deminiranja u BiH;
2. Postojeći problemi u BHMACH-u su članovima ZK poznati. U potpunosti podržavaju napore BHMACH-a u realizaciji Akcionog plana i programa za provođenje Strategije protuminskog djelovanja Bosne i Hercegovine (2009.-2019.);
3. Pripadnici Oružanih snaga BiH u potpunosti izvršavaju zadatke deminiranja iz odobrenih godišnjih planova i imaju dobru saradnju sa BHMACH-om, te ih je potrebno podržati u realizaciji zadataka za koje su osposobljeni misijom i postojećom strukturom;
4. Strategija protuminskog djelovanja Bosne i Hercegovine (2009.-2019.) predstavlja realan pristup koji se zasniva na uklanjanju mina sa svih površina I. kategorije prioriteta i trajnom obilježavanju lokacija II. i III. kategorije.

Predsjedavajući
Zajedničke komisije
Branko Zrno